

荀河文集

筍河文集卷三

大興 朱筠 竹君

哨鹿賦

皇帝法大赤之健體順白藏之清時命晉鼓植虞旗遵
乎周原漢京之地高山大風顧蜷思惟所以教坐
作進退徐疾之節欣然再三而稱夫哨鹿之事也
夫以蟋蟀無康之士東山思勞之婦有伊耆之遺
風爲仲尼之所取而況乎

聖人哦日月而鑄難難躬山川而掃迹凡者哉於時天
地中間屏恬隆驟倏踟躕各職先後僉曰

皇獲鹿蹏矣驤矣

皇作賦買矣碩矣

皇之萌莫不懲安于酖而作氣于閹矣言觀其旂旣食
其德用樂其時載賦其態方夫嶄崑千山擺倮萬
木天霜栗烈以凍空夜雲黯黹而藏日人行則墮
葉琅玕哨吹則犇蹏躑躅乍駭于町疃之場似慕
于磨廐之屬爾其環角外向分背中呼睛注萃而
邈邈顙戴玉而趨趨呦求友而速跡閃億敵以走
踰若迺屏息薊苕獨騎龍旋甌月送明谷籟候楚
乞神取而聲授闔枝脩而捻踊紛難得于百一羌

寶貴而愈重所以

皇克禹勤

天錫湯勇蓋欲昭天下以金闕玉英之

聖人其以勞自董也如是夫固跼蹐乎三驅而從從一
面而容容者也爰有石戶之農麥邱之老仰而歌
曰石壁未明月朧朧兮舜與鹿遊日月抱兮匪日
之出我

皇之明歟兮又歌曰農中巖兮老中鳴兮昔

皇帝來狩今

皇帝來狩匪鹿之好曰孝道兮于是黃伯烏獲之倫腰

芙蓉之金鈇首鵠鵠之朱冠相和而歌饒吹之篇

曰我

皇神武飛天龍手摩玉劍弓朱彤大白小白法

太宗獨騎赤汗踏巖冬雞跽鼉鼓搥鼙空山

帝到神靈從麒麟先路師子蹤白鹿仙騎行躡躡金哨
呼夜鳴離離圍以正取哨奇攻如吹鳳凰雌雄筒
與伏塵鹿文王同呼聲動天

帝還宮瞰東方出扶桑紅乃有陽乘執研雄固操觚幡
然而進贊曰美哉

天子之爲此樂無央也其始發也閃睽兮燭龍張舌裂

毗山燭光日珠月珪兮星琳瑯其少漚也宙寤兮
閭不見人若濛汜沸波而腹大陽其類召而轅也
伾伾林林甦甦蹢蹢晉千秋之賴葉而化黃金兮
踦其上而不僵其得雋而可憲也若白鳥通於聲
青鳥忘于機兮鼎歛兮百靈輸其福祥雖高計與
翳經羌瑰琦而芴芒固至神之馭物咸盡性乎我
皇然後上魁下能左師右傅拜手稽首而作頌曰於鑠
皇清得鹿以義先王講武非從禽是戲獸有圖草職于
虞司秋肅冬結

皇帝有事古田法園哨備今制呦呦濯濯咸樂

帝意在周卜，黜大獲師，至文侯出虞，示信于魏曰：師子祖德信于民，志文慎不武，安慎不怠，惟子孫無極，敢告萬

世

後哨鹿賦

客有問於大夫曰：蓋聞陶唐坐衢室而臆身，來宮有虞氏恭已阿閣而鹿遊於山泉乎？周興小雅大雅繼之而傳，故園咏濯濯之儕，野歌呦呦之羣。夫聖人者，有其德矣，而諸福之物協符，善瑞其來，員員方其盛也，不東而蒼蟻連蜷，以上旌不西而素麟婉孌，以下驂未嘗行乎南朔，而朱鳳翻地角元。

蟠歟天門也是以神不疲而物莫不興智不煩而物莫不存力不勞而物莫不安今且將冒玉體而淩霜霧陲金輿而攀嶺岼懔慌躑躅躬親其中以與羽林壁壘之士進說哨鹿之事以爲權竊謂非聞都吁於伊媯陳保定于典章者哉大夫曰嘻若客之所說謂執秋蕪而議大椿引夏蟲而語飛雪曾無論乎千里與八千歲而三隅不可以一絜也子獨不聞我

皇清之興東方乎

太祖以功立

太宗以德同十三甲堅大小白良以菱涉山林用威若乎
鳥獸于時皇天錫以醫無閭之北數曰萬萬世惟
武事是襄昔者明失其鹿天下擠之我

世祖角之得其大首克饗帝德遂受萬國用是肩股乎衡
恒而喉嚨乎終華心腹乎洛室而煩幣乎代家蓋
有天下百有餘年

聖子

神孫炎炎施施而未嘗一日忘大武之志金矢而琕戈
也今

天子樹日月之羽飛龍鳥之旂彈玉虎羅金鯨以晨夕

而淵思曰子不敢晏而娛以弛予

祖考之武事維時天地令曰成冬

皇帝開軒以納不周之風七萃六軍殄發霆興以竝乎
陪京而東乃獲鹿於高嶽大陵也夫其下嚴寒之
寥慄索重山子倚甌夜未央而無譁人連騎而不
見千年密林上叫鵲鳴墮葉幡纚焱風亂暮中瞰
磨麇以騰倚呼牝牡而相飯厲長哨以裂雲岫蹄
遶而角進呀駭走而投受儼異類其賁獻所謂蒼
百靈以陰三驅而獮狂魑魍倏趨而竄夫廼知八
荒九麓時有或不覿人有或不覩而

聖人方以爲八鸞於是麟而四明於是麟者凡以率德而聽訓躬艱難而教行陳也

至尊雖勞鳥可以請閒云爾哉且夫神龍嘘而成雲蹻而出入金石至靈者之跡也

天子之中孚則及豚魚其教則可以馴羆虎亦

至聖者之覩也夫速者鹿跡決驟者鹿之性食則分背而居則環角鹿之警防而好儆也故詩曰麀鹿攸伏傳曰與鹿豕遊皆言神明之德上配乎皇天然後五事之祥無所不致而萬物之智無所不周僕雖未觀其深竊嘗原其所由若乃黯者電避駭者

雲迎孺者似陂陀悍者似嵯嶇千態億狀靜視與
聽灼若殷火之洞觀而周鏡之照形然後天下知
天子之明又如來角可熹去趾不嗅逢養不藉以巧鍛
獲賁無取以力搏方其呼吸得失倩洌嬰散牲牲
之倫擬議而不得安俄焉還御塔焉空山然後天
下知

天子之仁至於百萬羆士一二虎旅羆留衛匡虎驅行
所龜匪斃而麗麋尾猶生而捉塵想山靈之夜驚
赤日赧其岳澣三光正藏星大小數然後天下知
天子之武況夫歌蒲梢而馬赭摩蒼厓而龍螭峨肩大

海銀角上圍凌雲不足賦其雪峙雕龍不足辨其
瓊痕與神仙而騎驥頌君子於萬年然後天下知
天子之文爾其邠岐有原本之樵天地有恒久之道所
以秋獮冬狩瀕湘苕芼日月照天而憂厝火飲食
飫庭而哦魚罩非卽鹿從乎无虞而奮衛本於揆
教夫非講以農隙荒其山高者乎然後天下知

天子之大聖而孝由此五者古今至德之所選萃也皇
哉美乎哨鹿備矣是故舜以至孝而象耨禹以至
明而黃龍負成湯以至仁而蛛蝥祝文以彫獲武
以蒼兕狩維我

皇之至德請陳義於斯右

擬平定川頌

并序

皇帝撫天下十又四年神靈威武變化于荒外東自泰
遠西自邠國南自濮鉛北自祝栗四極之民厥角
走脰以犇以从不隔耳目惟時南荒小醜曰莎羅
奔據金川之險鑿陵陷河窆其封長用蠶食諸酋
長旣卽天刑更廼下扼上衡恣蠶蠹之毒以緩鉞
鋒磨日礪時且闕蜀道

皇帝居于蝓蛄獲獲之上神謀天惟曰子

神祖

聖宗旣畀予以版章尺土予不得私矧九邊六場使躡踐
于蠻荆予曷上于人人中朝外軍咸用颺發於時
臣爾丹以某官往臣黨阿以某官往臣赫德以某
官往臣繼善臣楞以某官往刷猛剔謀坦坦噶噶
如激而怒同嚴天威越日爰下

明命以大學士臣恒經畧諸軍

天子親授以指畫出玉帛餞之于郊

賜有尙方斬馬劍赤羽白旄熠燿日月烏旌龍章鱗張
翼舒拏騰婀娜整軍盛服旣歷其境一戰北之是
時小金川良爾吉詭綏于我師洩賊以謀賊用負

嶠不窺于閭以老我師恒用

王命數其罪斬爾吉軍中賊大墮魄遂進昔嶺攻巴郎
扼其險害以與賊擒賊羣窟于碉樓圖險自保恒
督軍士用飛礮連擊下其重碉數十似陵轟穴填
牝牡嘩呶若震天鼓賊大竄乞生降恒等以聞

皇帝神武不殺

皇太后至聖無不憐載下班師詔賊卒窟穴保命狐鼠不
出時鍾琪在列身自奮激入其巢疾馳至刮耳厓
諭布大義嚴正明白賊廼駭汗泥首惶不得彈相
羅匍地謹獻金佛一尊朱提千錠面縛爭出是日

臣恒臣爾丹臣黨阿臣赫德臣繼善臣楞次升于
帳中卻金受佛桴鳴鐃吹角磴喧嘯香氣溢百里
外呼聲出天地壺漿之盛幣用之美雜遝紛披以
馭以逕降我王師金川旣平奏凱論功廼封恒爲
忠勇公錫豹尾旂鍾琪加太子少保鎮其地羣臣
加秩行賞有差

皇帝坐于廣殿百卿千職咸來畢朝以吉日上

皇太后尊號行謁

祖陵以告于

廟碣之崇碑紀厥成功

臣

伏念有殷高宗鬼方逆命三年

克之周之宣王南征北伐鋪敦赫業徐方旣庭竝
載于易詩論于孔子以著其中興之盛其視金川
負厥驚險曠年越時罔克底定惟

天子神聖文武將相戮力怛然同威以申

天勦今令不重布兵不血刃將不代瓜而遠轡慕德有苗
斯格臣竊以爲當與虞帝誕敷文德同符殷周以
來中興賢聖之主不足方也臣謹作頌一首錄其
事實鋪陳

皇帝陛下神畫天策播于金石世世無替頌曰惟

皇旣登旣雷旣霜旣雨旣風上下四旁莫敢不同海之

東南山以西北蜀脛岐頭羽服火食入水而胎出
石以孕晉波歸瞰莫敢不聽曰有金川絕于蜀巴
其人不才饕餮所家厥先孟獲爲諸葛擒野狼趨
兔反覆厥心子孫孫子在莎羅奔欲雌羣酋雄以
獨尊左鄰刺盜右邦剝骨衆落其膽而指其髮蠶
口豕腹遂薦上邦蟻不自量將攫飛龍毋柔而梗
毋弱而突鬼方三年危地匝月羣官百司上逮六
卿僉曰勿養惡而滋孽萌

皇帝曰俞是惟在予授討于恒虜彼翼羽臣恒出師
帝餞于郊玉樽金罍黃醴綠醪公卿酌之

賜劍尚方孰生異心先斷頂頰恒用

帝命偵于左右吉袞扣紆男女授首撻其昔嶺賊保巴
耶天兵駢羅驅攢尻藏砌樓百仞賊險是轟電以
光敵雷以聲戰石蜺觸火流金橫河雲烹星殷鈇
豁業裁碧睛漆斡踣踈顧礮起砌落通五丁路
酋竄無返乃生乞降牽鈴曳鼉羈滿筐恒告
天子再搗其窠敵我金冑札我羽鍛
天子有命不塵而劉奉

皇太后班師于朝彼豚走苙殼觶畏慘覲則解網入窟不
出小醜大慙慙不逃討鍾琪詔之我信女寶投懼

采入直抵刮耳遠蠻慕德孩耄歡喜相呼精夫率
彼央徒被驅舞蓋攘熙奔趨黃金作像白金爲壽
迓我王師厥角稽首爾丹黨阿赫德繼善往同相
臣覲此縛面惟我

皇帝至仁至明將勇相謨金川蕩平

皇帝神斷誅得其辜用當其勲聰明智勇

天命以君躋清擢明剔濁盪垢八風十雨莫不順序

皇帝大武曰惟止戈薄海內外與天清和以舞以干以
歌以鐸坐于元堂受羣臣朝

皇帝大孝

皇太后教自日出所同上

尊號既昌既大既長既厚億萬斯年用介眉壽

皇帝誠敬入廟以祀絜神侔靈惟天地似惟

祖惟

考惟

禰惟

宗告我功德孔烈且新以施無窮臣辭淺薄慕于風雅敢

托經義作頌在下聞古自昔守在四方

皇帝耀德世世永慶

平西頌

謹序

皇帝克承

祖

宗之志億萬萬年敬

天休命曰惟我國家

太祖

太宗肇造東土誕膺

帝眷

世祖受之自天之下薄海中外我隸我臣

皇祖

皇考仁浹義剿既臻大釐張皇六師討于西醜用授子一

人乎一人其不敢忘卽阼以來思繼思述惟十有八年都爾伯特台吉車楞烏巴什等率所部萬人破關內附準噶爾部部分四衛拉特曰綽羅斯曰輝特曰和碩特曰都爾伯特此其一台吉也明年阿睦爾撒納自輝特來降且乞師請誅準噶爾部之亂

皇帝以示在庭或曰厄魯特準噶爾貢固之日久矣自我

世祖賜其會顧實汗冊印俾統西陲諸部厥後噶爾丹自立爲台吉犯我喀爾喀

聖祖三征乃俘厥子逮策妄阿喇布坦及噶爾丹策凌再
世濟惡數擾哈密

世宗命將殲之於厄爾得尼招自是邊圉寧謐以迄於今
今來者以厥部亂故其人獸心恐不可信

皇帝曰噶是

皇天將以西陲之壤授子而佑我於

列聖之志也往者噶爾丹策凌死其孽子喇嘛達爾札者

實奸其嫡子策妄多爾濟那木札爾之位居無何

達瓦齊復竊而有之四部離心若走水火抱持鞠

子用大哀籲于我王師欽哉欽哉時不可失是秋

皇帝幸熱河召見來者與語推布驅策盡得其要領爰命班第爲將軍卽以阿睦爾撒納副之使導我師且令固倫額駙色布騰巴爾珠爾與之偕察其動止以集軍事二十年春

詔西北分道出師兩軍會於阿爾泰山踰山而下譯者奉檄宣布所過諸部台吉在前宰桑在後犒師相次我師入於伊犁達瓦齊以其屬人竄伊犁河而西我師渡河蹙之于格登山遂俘以來

皇帝御午門受之赦達瓦齊封爲親王伊犁平初阿睦爾撒納覬覦爲台吉欲盡有四部及聞王達瓦齊

不誅而所欲未之厭居常怏怏不衣賜服軍中所
在檄書輒用私印徵發狀頗

聞

皇帝密諭將軍班第等令誅之未發阿睦爾撒納覺之
跳去且流言以撼其黨巴磔克什木等發兵斷我
臺路將軍班第參贊鄂容安等死之或曰賊勢方
張不易撲滅也

皇帝曰吁是其可赦二十一年春師進討賊阿睦爾撒
納亡命入哈薩克明年春復

命將軍成衮札卜等自朱爾都斯入伊犁將軍兆惠等

自額林哈必爾罕入塔本集賽撫定諸部阿睦爾
撒納復自哈薩克潛還伊犁遭我軍逸去我師躡
之遂壓哈薩克境其長阿布賚震恐誓以擒賊自
効阿睦爾撒納自度不得免遂走死俄羅斯界

皇帝遣使以舊約問俄羅斯俄羅斯曰如約遂函其骨
使者驗實以

聞于時伊犁再定諸部台吉惟都爾伯特以恭順存而
其他綽羅斯台吉噶爾藏多爾濟爲達瓦齊殺之
來降輝特台吉巴雅爾以叛誅和碩特台吉沙克
都爾滿津貳於我殲之巴里坤外四衛拉特悉收

悉平其叛者惟回部大和卓木波羅泥都小和卓木霍集占兄弟小和卓木霍集占者故爲準噶爾拘于阿巴噶斯以役其部人者也我師入伊犁初霍集占囚服乞命乃縱之歸俾供我賦役已而副都統阿敏道以人入盟賊盡戕我人以叛

皇帝赫然震怒命將軍雅爾哈善進圍庫車討之賊擁大城四庫車其一也急來援冒死入城而令諸城更置伯克以守久之不支賊潛委空城遁其旁城曰阿克蘇亦逐其所置伯克來降

皇帝以雅爾哈善縱賊失律誅之而以兆惠代將當是

時將軍兆惠方逐賊伊犁間聞

命旋師道出布魯古特部其長圖爾古特內屬參贊富德亦將兵絕幕會右部哈薩克與塔什罕構兵我軍入其兩陳間諭以

威德右部長阿比里斯上表稱臣且曰願得自効倍左部由是左右哈薩克東西布魯特並遣使至京師乃畧烏什收和闐遂以二十三年冬師抵葉爾奇木城下是役也我軍三千周行萬餘里其渡河攻賊者僅四百人人殊死戰所向殺賊然軍亦罷甚遂退保於黑水堡賊兵萬人圍之數匝我師糧乏

火器且盡輒獲神應與賊相持者三月而副將軍富德等率援兵疾行戈壁中馬力復不進狀

聞或曰孤軍深入失援事且急矣

皇帝曰咨予夙夜念軍士勞苦令所在選士馬以代久役者

皇天相予其或者以是克濟我師先是六月既有

威命及冬諸軍先後並在途副將軍富德果檄諸軍進援人人爭先恐後二十四年春參贊阿里衮率後隊馬悉至軍用夜半斫賊營呼聲動天與將軍軍相聞中外夾擊賊顧我軍不見其首尾則大駭人

相躡蹂圍解我師合而入阿克蘇賊退而入葉爾
奇木及哈什哈爾二酋分城守之我軍士馬亦暫
休息居數月夏

皇帝命將軍兆惠軍自烏什取哈什哈爾副將軍富德
軍自和闐取葉爾奇木毋令賊自相救閏六月軍
至伊克斯哈拉叅贊明瑞夜畧地前行聞騎聲卽
之獲回部六人云霍集占兄弟聞大軍分道且至
懼甚先棄城去我師遂收二城降其伯克等兩軍
再進叅贊明瑞追擊賊於霍斯庫魯克副將軍富
德追擊賊于阿爾楚爾戰皆捷富德又追擊之于

伊西洱庫爾其地左界巨澤右爲重山烏道曲折
不可上賊盡其衆上山與我軍拒我軍用火鎗飛
礮仰面擊之山石皆震動賊軍遭之糜爛乃大潰
其衆悉降二酋僅以其醜三百人走拔達克山我
軍臨其所部檄問罪人其長素爾坦沙順命卽斬
二酋獻之西陲者定捷

聞

詔班師羣臣請上

尊號不許令有司察典禮告祭

天

地

宗

社

山陵釋奠

孔子嶽鎮海瀆百神之祀罔不歆秩行慶冊勲先是
皇帝念將軍黑水之勞旣封將軍兆惠爲一等公至是
加賚宗室公品級鞍轡以昭異數封副將軍富德
爲侯兆惠富德竝予一子爲三等侍衛富德及叅
贊公明瑞阿里袞竝賜雙眼翎中外在事大臣等
敘功行賞有差

詔頒天下

御製太學碑文勒石告成垂示罔極

臣

以翰林充方畧

館纂修官實記西事謹卽所聞見知識據事直書
作頌一篇頓首以獻其詞曰

天祚我清有天下來卽而順莫不受嘏咀矣西部曰厄
魯特自

列聖世不賓於德顧實汗裔有噶爾丹跳梁爲亂三討以
安阿喇布坦策凌阿占世世草竊濟其慝譏始康
熙年逮於雍正

皇祖

皇考有志未竟我

皇受之曰予可忘欽承

天命順之者昌承平日久兵革不用仡仡九邊戒毋易動
羣鼠之穴相齧爲盜卽我邊吏呼

天來告

皇帝曰嗟哀汝遠人汝有孽子實戕汝君汝臣竊之曰
達瓦齊汝部創甚予其出師乃

詔將軍導以來者孰禦我士孰止我馬奔走諸部台吉
宰桑我筐惟實我壺惟漿所過道里奉檄宣布踰
阿爾泰行其庭戶兩軍旣合直抵伊犁縛達瓦齊

於河之西成功之速古所未聞撒納叛走四部再
勢我師討之自哈薩克入俄羅斯遂獻其骨有和
卓木兄弟殘賊忘我解懸戕我使節克其列城不
知悔罪于黑水上抗我執事

皇帝有命諸軍速行圍解師合再礪甲兵黃間一發兩
禽遂連我武之揚拔達克山繫達瓦齊以殫撒納
二酋授首及此三捷惟

皇帝功斷之自己出師五年闢二萬里惟二萬里我服
我餐實有大造於西之人賜西人布白阿克蘇賜
西人田至于庫車自其左右有哈薩克自其東西

有布魯特曰歸我

皇初隔中外今其屬國同被冠帶曰慕我

皇始頑而昏今之西極咸

尊咸

親凡此武功非拓土地曰嗣

列聖以成

先志昔之西陲

聖祖三征

皇帝定之悉爲編萌昔之西陲

世宗遠伐

皇帝定之比于門闥惟我

皇帝永念勿忘

皇天佑之有此殊方出師之初衆惑不信

皇帝內斷師遂以進及于奏功屢陂而平

皇帝不疑遂以有成其進其成

帝歸之

天屏絕羣議

帝志之堅惟我

國家自東肇興率彼西宅饒日惟寅惟四極所

天付

皇帝

皇敬受之治億萬世

聖駕西巡奉

皇太后幸五臺山頌

謹序

代作

臣謹言 伏見

皇帝陛下卽位之二十有六年歲在辛巳恭逢

聖母七旬萬壽之期普天稱慶迺以仲春奉

懿旨諷吉日

皇帝侍

大安輦西幸五臺之山皇哉堂哉甚盛典禮乎五臺山者

清涼之福區曼殊之靈跡也中臺巋然上成紫氣
雨花飯仙池飛岸峙大羅東眺以涌醴洗鉢西浴
而發籟七佛南連于金閣二麓北俯乎斗峯其中
則金蓮千花珠樹七寶夏冰瑩五色之光寒泉挹
馨冽之味諸福上瑞歆祥降嘏所謂襟帶三晉肩
頤五嶽者矣昔者周崇不言之祀漢肇大孚之宇
後魏環靈鷲寺置院十二初唐設清涼齋勅期七
日宋賜太平興國之額元有祐國普門之建于時
三百玉書十二寶剎麗矣列閣晃若臨鏡歷代并
表此山號爲極盛

國家

聖聖相承益隆祀事

聖祖仁皇帝嘗幸其地爰

製豐碑龍蟠鳳拏焜燿山麓徃歲

天子親奉

慈宮一豫西土旣而再至今旦三焉夫豈惟率舊典之所
陳考省方之所至

恩澤旁溢

德化大成而已哉竊見

皇帝承先意之志極無方之養本之以深愛申之以祈

天居則侍膳出則捧輪方將爲

聖母祝釐于是億萬萬年與

天無極夫非所謂

聖人之孝無以加者此乎于斯時也

皇帝奉

皇太后以天下養西極之外闢地二萬餘里以供

玉食上假

皇天福應來輳今年春正月朔七政之光燿合珠駢會於

陬訾之次適當

聖母萬壽歲始意者

天其以是示錫我

皇帝用以上怡

壽康宮中之懽薄海中外雍雍如也愉愉如也

臣生際

昌期籍隸山右恭逢

鑾輿西幸仰見大體之備

聖孝之至謹作頌十二章頓首以獻其詞曰

大哉

孝德惟我

皇帝愉悅

慈宮推錫庶類天之所覆地之所暨日月嶽瀆照燭尤父

奉於無方承於先意

侍

皇太后視聽之際

其一

惟

皇太后

至德坤元篤生我

皇作

師作

君自四極所咸尊咸親咸曰

聖母萬壽無垠惟

萬壽初今七十年萬物熙熙若歲在春

其二

穆穆我

皇奉養宮中

壽康問安初日正紅

陪京詣北岱宗狩東自重光歲再

巡江南金根之車先以六龍曰

聖人孝愉色婉容

其三

自昔文殊在五臺曲高居清涼神光四燭惟

聖祖來勒石祇告

皇帝再至既齋既沐曰爲

聖母祝

醴祈

福

詔以仲春吉日諏卜

其四

廼載青旗

帝車先路楊柳天風披拂展布

帝侍

安輦來遊來豫野多壽民老氓老婦婆娑安拜踞咸樂

賜予白雲平睇五峯西露

其五

東臺高高曰研伽羅南臺覆孟春飛仙花西臺挂

月懸鏡初磨北臺仰視斗柄下坂中壘當中靈鷲
形模文殊師利神棲其阿

其六

中有沸泉三珠泐磬七寶珠樹上令一葦瑞萊如
盤其瓣百層金蓮鉢花服之長生

帝奉

聖母用養潔清

孝德之應是滿華平

其七

帝奉

聖母來五峯上神燈錯落開揭眉嶂

帝在左右撰靈壽杖祝我

聖母

聖壽無量既康既寧永我孝養

蕃釐自

天諸

聖是相

其八

帝周五峯爰揆

天文鉢池飛玉髮塔洞雲浴經池聖跡留一真山川靈

氣蕩漾飲飲効命我

皇羅列布陳

天章所留爛於星辰

其九

舒舒

六飛轡轉谷趨自

天降福祥雲導

輿奉

皇太后顏色既娛

皇帝至孝應誠感孚所過

恩澤咸使沾濡曰

聖母壽天下樂胥

其十

惟

皇帝孝格於

皇天登我仁壽廣我幅幘闢地二萬至西極偏先春降雪

六花續繙五穀成熟歲大有年上供

玉食合萬國歡

其十一

非惟闢地

天瑞孔厚正月朔日合璧當晝五緯相生亥子左右萬有

億年值

聖母壽

皇帝曰俞敬拜

天祐

小臣

獻頌道左瞻就

其十二

恭擬

東遊大禮頌

謹序

臣聞聖人所以報本孝子惟能享親由夫六書之
迷皇王天垂景命二雅之卽芮鞠地則神舉有聞
有見霜露旣履乎春秋爰作爰述堂基必賴於塗
塹若乃厥初生民則孝治其大也莫不來享則皇
威允塞也武王之上祭于畢則升山陵以致潔也
成王之大蒐于岐則詰戎兵以揚烈也黃帝百神
之觴夏后萬國之會則禋祀行而玉帛集也考至
治之嘉庥稽曩徽于前載巍巍穆穆彪彪麟麟信
垂曜于綠圖飛光于朱牒者矣我

皇上世德作求

孝思惟則隆立極撫辰之業際重熙累洽之期八紘
化浹慶日月之光華四表

智臨徵雨暘之時若爰乃推本始按輿經維茲暘谷之

鄉實同邠邠之士聿以癸亥有事

三陵暨于甲戌越時十載

神靈咸在心輒見于

堯美弓劍所藏地或踈于

軒鼎寢門三朝之制敢異所生鈞天七日之遊不忘在寐
詔秩宗以考禮賦時邁以再巡徕徧嶰筒重蒞

飛龍之舊里星周木緯載瞻

原廟之高宮諏吉啓行明虔將事惟時炎帝司辰黜賓
應律六龍齊軫擁

紫微而

玉輅朝昇八驥抗衡開黃道而

翠華曉發千官雲扈雞翹豹尾之間七萃星躔虎賁魚
麗之隊清塵風雨奉

安輦以遙臨警蹕雲雷侍

彤闈而周覽則知

皇心之篤孚

三后于在天

聖孝之純慰兆民于無外矣爾其殊域來朝遐疆輸欵
條支之屬萬里辨呂懷香越裳之譯九重凌波抱
雉嘉其向化

特命爵以明威予其抒誠

賜剖符而繼

世賚以腰褭之幣膜拜

帝朋分以勺藥之和歡斟

天液莫不龍堆外嶺入我貳章麟海小洲歸其

皐極攀

六飛所稽首

萬歲以搏頽爰以帶礪公侯式崇乙命懷柔河岳宜暢
鴻儀鳳迎五府望長白以禋山鯤運十洲告員登
而祀海識朱敦之

王氣溯元海于天池襲尊幣于錦幪陳圭璧于緹帟由
是

覽紫塞之迢遙烟橫平野對漠雲之蕭瑟風靜長空飭
羽獵于名王茸裘備列輶車書于屬國毳服掃庭
若其綠江連岸欲起鳥于荊州烏喇長林將卜熊
于渭水血駒萬里葡萄飛戍已之軍霜鏃千山鷗

鶚照庚辛之刃合塲頒令擲戈則虎旅橫馳設表
周圍飛羽則射生縱發

皇帝於時張明月之天弓得瑞禽于大首九州禹鼎惴
颺颺而知烹一面湯網悅珠蜚而不怨詩歌文虎
九節樂成易象黃狐三驅典備爰肅五輅徐磨六
師揚和鑾引畫旂言從北陸以並

東都緬

二京之相維實

三陵之所在昔來歌乎豐沛今重謁于

橋山恭惟

水陵肇

帝睠于大東享

天心於自北王母使鳳丹山受益地之圖天老迎醴絜水
得列皇之錄五精相王震出攝提四德爲君乾元
旋復實開

靈命以叶昌期恭惟

福陵至德川淳大武火烈相土截以海外古公荒其山高
水心劍氣三京如赤子之歸鐵背陣雲九國有白
頭之戰基

王迹于始大拓

帝統于無疆恭惟

昭陵耿光既敷揆文乃訖涿阪三伐未翦神農之孫荆揚
六州已受成湯之命遵異大箭上列畫于雲臺房
杜弢冠遠同書于瀛海驂騑石仗尙舞兩龍松栢
天風自響萬樹惟

勲澤之所在其億萬于斯年

皇帝于焉升乎享殿拜乎

寶城俯視几筵仰見棖栳

天顏肅穆備登降於周旋

祖德靈承通精神於冥漠駕龍十二聆

帝謂于黃宮儀鳳三千觀

文光于朱戶卿雲五色再窺金翠之交飛瑞草二極已見
琅玕之自長極日觀而東海青護

珠邱而北漠紫大禮既成歡心普洽無文咸秩有慶俱行
於焉

蹕盛京

御崇政環蒼同澈大赤初瞰樹翠鳳之旗撞金鯨之石
虎賁鶡冠之列捧日而趨銀魚玉馬之班望雲而
侍張赤帟乎九天拜

玉塋以萬國觀鹿角于典瑞

鳳辰如存問隼斨于司弓烏號尙仰昆侖闐闐行八風
而大開洞庭鏗鏘聞九成而方奏爰乃

賜晉級于從官

勅蠲租于幸地故宮之老十日大酺杖國之年戒膳異
等賚魚支之簪服廡實駒駟植雞羽于

留都廷間獬豸

大仁浹矣

大孝彰矣上應素烏之符下被丹鳳之

詔然後奉

慈宮遊

皇路格于

郊

廟歸于

帝京萬姓咸樂四極大和是則肇域者何但九州卜年
者豈惟八百秉

至德于不匱恢

元化于無垠思

締造之艱難樂

昇平之浩蕩固將荷

天庥于滋至篤

寶命以長新

臣

才疎綿絕職列簪毫雖非論都作賦之長

竊慕陪京列篇之麗敬拜獻頌一十六章其辭曰
於鑠

列祖創我不基永言配命子孫保之萬方既協大化攸司

善繼善述肅矣

孝思

其一

於穆我

皇紹聞衣德大寶欽承丙臨中極四華同推三壤成則

東蒞舊封載瞻王迹

其二

撰日子邁肅奉

彤闈瑤光翼蓋太乙驂駢雲屯萬乘日映

六飛震震業業我

皇之威 其三

威暢八埏

德敷四溟明鳥來庭元駒列服桃拔枳已其龍獨鹿稽

首歸心萬邦是躋 其四

萬邦之肇實始東瀛坤維廣闊艮位中朔星熒箕

尾海表青營扶輿磅礴開基

太平 其五

地立靈鼇天開祥嘒維海承北維山峙東元珠激

波白雲起封運逢

文命靈秩無窮

其六

朔野浩浩紫塞迢迢合圍設表掎敵落雕三驅禮

備九伐武昭乃

御玉輅東屆瀋邈

其七

六御東臨

二京以底

橋山是瞻報本惟始奏假金輶

神靈玉辰盼饗有憑風雲肅起

其八

巍巍啓運

四祖之宇白象儀姚青禽肅禹九疑同高四明俱古日月

照曜天地儔侶

其九

天柱之山

太祖烈光以十三甲有千萬方雲飛鐵山風靜綠江貽我

來葉薦其德香

其十

有赫隆業惟我

太宗同文正南揚武大東弓矢在府

龍鳳想容

昭陵石馬景山松風

其十一

德通翠筵氣和玉燭有本有源維水維木

皇帝致孝

太祖降福以答洪庥以受戩穀

其十二

廼來

留都爰升

崇政月館奉

先雲牖思

聖意愜金壺心持玉鏡萬國咸趨

一人至正

其十三

倬彼

聖詔惠此

天都

賜從官秩免今年租父老珍膳囹圄空虛逃矣朝鮮嘉

燕有譽

其十四

日部西來燭人北氏體備孝思心儀

皇軌載奉

慈寧言格

祖禰在政玉機居位黃理

其十五

大孝烝哉秉文執敬對越昭明丕承保定海岳輸華星

雲寫慶

端拱垂裳萬年永命

其十六

恭擬

東詣南巡頌

謹序

臣聞天樞周化山川徧六羽之乘地律同聲宮角
開五龍之治戴干戈以曜武恭罰居尊仗鉞鉞以
修文明威得統由夫阪泉三伐登東岱而槭金丹
水六師秩南訛而刻玉北驅葦粥媯川迎白鳳之
圖西敘崑崙翠岑懋黃龍之馭莫不鑄鼎而投魘
魅帝狩四巡築觀而取鯨鯢王遊再省德尊問道
入峒嶺而求書禮備勤民上塗山而贊帛欽惟
皇帝陛下睿承得一化洽登三兩大之德生成四遠之

光照曜黃琮蒼璧法圓矩以聰明金簡玉書式球
刀于昧爽召八能而箴雉扈暇食不遑藉千畝而
蜡鼠貓無衣其問雲罕匝地屬車載羣雅之材金
石聞天列候盡封疆之土東西候尉置于麟鳳之
洲仲叔羲和測乎日月之部廼者烏孫孽子方推
刃于狂王大宛屬人或搯兵于昧蔡地經絕遠敢
逃驕黠之誅世濟不才非無倔彊之意

天子謂自予

聖祖御雷電而三驅粵我

世宗教貌貅而再撻

七鬯繼志蒲姑覲揮劍之神雲蜺歸心夙沙解倒戈之
樂于是燕領大將飛萬里其鷹揚魚麗奇軍張千
門其蛇擊翎侯大長麾牙纛而投轅懸度流沙指
玉璽而入版瓜期未代經犁老上之庭翦室無抽
卽詣樓蘭之首止戈月竈犁耜呈駭雞之犀飲馬
河源安息來大馬之爵幅員四準乎所極瀚海爲
田羽書三捷于崇朝蔥山不戰

盛德奇功振今卓古昔者

聖祖仁皇帝爰征朔漠躬鞠六師有事東南周撫萬國所
以左武右文定功和衆禮也

皇帝于焉鳴金鸞馳玉軌以爲大百王之宇方冒海以
外環崇萬世之師尙沼沂于先岸六飛二月松栢
俟泰岱之登四水五雲槐杏迓宮牆之路豆登臚
列薦明志于丹雘梁木歸然凝寶思于黃玉心儀
嶽瀆

兩朝勅華蓋之留道揆舜文再

謁動雅琴之見若乃溯神恍惚述啍燕以飛龜撫澤摩
抄在檜文與楷葉

天子之庭多士喻善釣于嘉魚

聖人之運昌期自來翔于神鳳翠虬連蜷稅尼岫而低

猶赤豹旖旎舞孔壇而下上爰乃謝金絲而契道
得象空虛索丹甕而凝神游心涵泳清躬湯盥紫
庭銘稱水之詞屏志莊濠黃屋圖在川之蹟停騶
泗泝符

聖牒于水精徐輦平鄉想天風于香露生民之棟宇隆
矣永代之舟航濟矣然後赤騶颺駕睇吳會而左
旋文鵠雲浮權江河而南顧青旂行隴鳳凰覆翠
蓋之華白壁臨河龍隱架風車之渡

皇帝乃鎮九曲之橫波觀三門之下瀨
握舜圖于蘆水柳玉泥芝

剡禹簡于術珠擘龍分鹿匪築宮于瓠子行來千歲之
清直定海于蒲昌坐致九里之潤續成砥柱桃花
靜春漲之聲瑞協月查竹箭貫中流之道猶以往
者告療儲玉粒而哺鳩居今此行堤周

雕輦而防蟻穴榮光五采尙惕濫觴經瀆萬年獨陳洞
酌所謂由溺由饑之心若溝若索之志者也夫其
莅天塹而練九師樹日轡而閱七旅凌濤鳧舉礎五岳
于樓船誓水疆劉麾二璋于帆檣材官星布肅戰
鵲而啣枚隊長霞開縱飛鵬而闕鼓懸竹籊以分
浪光駭蛟螭輝松炬而騰波氣成龍虎鄧林劍列

照碧渚而霜寒王屋火流響錦艦而雷厲丹符合
律似聞洞庭廣樂之音紅帕趨風欲來灊海羣神
之會所謂五衛以示張皇七伐而講坐作者也

天子方濟川得鏡映仙仗于層波益地成圖契天機于
疊嶂玉浮金景三江識王度之遊馬渡雞鳴六代
富天朝之籍懷海陵于四并佐有宋賢眷秋浦于
九華廷盈唐土山登素虎周南薰闔閭之強湖泛
金牛商質洗夷光之麗舜江禹穴欽

瞻聖于黃中婺洞台山召靈仙于霞表所以攬其形勝
布其德施焉于時

馭紫蚪而披蘭采上刻陽虛

駕金鳳而佩寶文自題岫嶠功豐鑿石中興留大蒐之

詩意得凌雲

上聖發南薰之曲錦舒佳地染

帝翰而九苞煥斗正文躔耀

天章而五緯明千篇奏賦東南盡游夏之才七萃賡歌

揚挖本詩書之旨所以四民之文章成百年之禮

樂作焉而

皇帝且奉

璇闕以優游承

玉顏于定省沛宮酒樂進酌醴于金壺臺嶺華芬侍舉英
以玉盃奇勲萬里西平博解頤之資秀色三吳

南狩樂

板輿之奉行宮問膳筵自助其清涼道井奉盈泉輒呈其
甘美素烏回雪隨葆羽而揚旌朱草凌曦向柔葵
而承

輦夫非推四海以爲養得萬國以合歡者乎由是禮成典
則有舉皆書澤下周施所過稱幸

坐明堂而省歲更惻鴻磬

握乾策而御天尤懷龍惕

鸞輿五十懼尙擾于黎萌虎御三千

詔無供于赤尹啟以假釐

太室一日來十瑞之符聽治康衢五嶽待四巡之頌臣籍

隸南江

恩深北斗

紫宸親侍幸厠職于典書莖露頻承許乞私于撰杖珥

金貂以七葉莫名

高厚之仁迎

翠鳳于三江謹紀見聞之實觀儀旣備獻頌敢辭辭曰

地軸農臨天衢軒越珠水滉漾禾山穡靜民豫春

龍我蔭夏樾南游萬玉

東巡二月 其一

皇武禁暴天兵靖氛龍堆戰野鳥谷敗羣戈洗寶露陣

成喬雲本

仁祖德承

憲考勲 其二

獻捷告功右

社左

祖鶚飼泮黠鼉蒙靡鼓桃拔在牽蒲陶人俎受成自學宮

觀於僭 其三

楷葉被宇杏花鋪壇八音宮響七璧甕丹長思留

蓋大道欽蘭象輿逶迤豹旌盤桓

其四

尼岫丹嵐泗波碧綺秘機元化澄心通理江蘋日

色海杖龍體詩書則存吟慕何已

其五

望依泰岱風解麟鳳赤縣無客

紫宮如恐金鑑求心瓊壺分衆吳境雲屯越都風動

其六

六

迎溜朱采觀河紫泥元貉用享大鱸受

釐四維繫岸八柱支隄蟻穴無漏龍門不移

其七

八鸞戒容七騶頒政江靜嚴裝天高肅令玉劍排

霜日旛動鏡士練鵝浮陣縫魚泳

其八

凌濤鼓柵舒浪開雙龍虎抱雲金玉挿淙天翠五

湖日明三江胥山翔旖旌言宅廻幢

其九

具區山紫錢塘水綠瓊鶴下輝金牛延矚似洞花

深姚江風縈心儀金簡德符玉燭

其十

丹書用敬黃圖布輝珠搖銀漢霞蒸翠微雕龍海

運鏤鳳天飛

天章之麗

帝功之巍

其十一

離正火房衡殷斗宿百羽鳴和千山色秀班竹名

題凌雲賦奏

盛德九歌作人三壽

其十二

璇鳳來儀金萱內闕

大孝維養至愛在悅醴琬具和翠厨奉潔鈴朗朱躔烏

馴赤鷺

其十三

四羽張帟羣玉成林錦江滿德板屋勤心嵯峨藏
宇空曠留琴雨過仁浹風度思深

其十四

鴛戢歌宜鸞迴奏可白叟扶藜黃童捧舸羽纛歲
蕤雲旗旂旆用特反告秉龍正坐

其十五

元功不居

至德逾平一而鏡思吉持飽懷盈苑畜仁騶廷噦祥鵬三

雅詠

聖九域同清

其十

聖九域同清